



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1479. usque ad annum 1494

**Fleury, Claude**

**August. Vind. [u.a.], 1768**

**VD18 90118340**

§. 77. Censura Facultatis Theologicæ Parisiensis de Astrologia Judiciaria.

---

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

*Censura Facultatis Theologicæ Parisiensis de Astrologia judiciaria.*

Anno Domini millesimo quadringentesimo nonagesimo secundo die sexta mensis Augusti sacra Parisiensis Theologorum facultas cuidam precationi, quæ pro avertenda peste recitanda divulgabatur, censuriam notam inussit, eamque damnavit tanquam a ritu Ecclesiastico alienam; ac suspectam vehementer de superstitione: Anno autem currente ejusdem Facultatis judicium a Parisiensi Curia rogabatur circa librum Simonis Pharees Astrologiæ judiciariæ studiosissimi. Huic ab Archiepiscopo Lugdunensi jamjam interdictum erat, ne Astrologiæ divinatoriæ incumberet; nunc vero, & ipse in eadem urbe comprehendebatur, ejusque libri, quos de hac arte scripsit, jussu Episcopalis Officialis fisco adjudicati fuerant, lata in eum sententia, qua imposterum hanc artem divinariam exercere prohibebatur, eidemque ob præterita ejusmodi crimina quædam pœna injungebatur. Cum vero Pharees ab hac sententia ad Parlamentum provocasset, nec tamen illud hanc causam inconsulta Facultate dijudicare vellet, Senatus ad illam Astrologiæ libros ab Offi-

*Argentre  
coll jud tom.**1. p. 324.**Ex 1. regist.**MS cen. S.**Facul Paris.**p. 147.*



Sæcul. XV. ciali Lugdunensi interceptos transmissit,  
A. C. 1493. diligenter examinandos. Hanc in rem  
 facultas Deputatos nominabat, & referentibus illis Facultatis nomine acta instruebantur, quæ judicium de omnibus hisce libris a Deputatis latum complectebantur; demum Facultatis Doctores Parisiensem Curiam adhortabantur, ut ea strenue sese opponeret hujus artis progressibus, quam illi perniciosam declarabant, *prorsus vanam, nullaque probabili ratione fulcitam, mendacem ac fallacissimam, superstitiosam, divini honoris usurpativam, honorum morum corruptivam, & a demone mendacii patre ad animarum ruinam adinventam.* Hæc sententia lata est die secunda Maji anno millesimo quadringentesimo nonagesimo quarto; ubi etiam indicantur tituli plurimorum librorum de Astrologia tractantium, cum succincta eorum, quæ in illis continentur, enarratione. Hoc Facultatis judicio permoti Parisiensis Curiae Senatores edictum promulgarunt, quo sententia a Lugdunensi Officiali lata confirmatur, ac prohibetur, ne hæc ars divinatoria exerceatur, divinatores conveniantur, aut libri de hac arte tractantes vendantur, nec illis ququam utatur, simulque præcipit, ut tam ipse Simon Pharees, quam ejus libri de novo Lugdunensis Curiae Officiali remittantur.

§. LXXVIII.